



Kev Hloov Tshiab Nyob Rau Lub Caij Nplooj Zeeg Xyoo 2025

Hais Txog Kev Pib Siv Provider Hub Rau Cov Chaw Zov Me Nyuam Hauv Tsev

Tsab ntawv no tau xa mus rau cov neeg uas muaj daim ntawv tso cai zov me nyuam hauv tsev nyob rau Minnesota, hais txog lawv txoj kev pib siv tau Provider Hub.

Lub Xeev Minnesota tseem npaj kom cov chaw zov me nyuam hauv tsev pib los siv tau Provider Hub. Peb cog lus tias yuav tshaj tawm txhua yam ntaub ntawv rau koj kom sai li sai tau yog tias muaj. Nyob rau lub caij ntuj sov tsaib no, peb twb muab cov ntaub ntawv tshiab txog lub sijhawm uas yuav pib siv tau qhov cuab yeej. Tsab ntawv xov xwm rau lub caij nplooj zeeg no, peb yuav tshaj tawm txog kev siv qhov cuab yeej raws **cheeb tsam**.

Koj tuaj yeem rov saib tau [cov ntaub ntawv hloov tshiab nyob rau lub caij ntuj sov xyoo 2025 hauv tsab email xa tuaj rau hnub tim 8 lub Xya Hli \(PDF\)](#). Peb tseem muab cov ntaub ntawv ntawd tso rau nram qab ntawm no thiab, nrog rau cov ntaub ntawv tshiab txog kev pib tso cai siv rau txhua cheeb tsam. Thov nias cov links hauv qab no kom mus ncaj qha rau seem uas koj xav nyeem txog::

- [Provider Hub yog dab tsi](#)
- [Thaum twg koj yuav tsum siv qhov cuab yeej online rau kev tso cai](#)
- [Kev pib tso cai rau txhua cheeb tsam — cov ntaub ntawv tshiab!](#)
- [Kev sib tham thiab kev kawm ua hauj lwm uas tuaj sib ntsib tim ntsej tim muag](#)
- [Lwm txoj kev los paub ntiv thiab npaj kom zoo](#)
- [Cov txiaj ntsig ntawm Provider Hub](#)
- [Tiv tauj peb](#)

Provider Hub Yog Dab Tsi

Provider Hub yog ib qho cuab yeej online uas pab cov providers thov thiab tswj cov ntawv tso cai, cov kev pab nyiaj thiab kev koom nrog tsoom fwv cov kev pab cuam.

Hnub no, **cov chaw** zov me nyuam uas muaj daim ntawv tso cai thiab daim ntawv pov thawj tau pib siv Provider Hub rau:

- Daim ntawv tso cai/Ntawv pov thawj rau cov chaw zov me nyuam
- Tswj kev cuv npe rau Child Care Assistance Program (CCAP)
- Kev koom hauv Great Start Compensation Support Payment Program
- Kev cuv npe thiab kev sau npe ntawm cov uas tuaj koom

Thaum lub Yim Hli xyoo 2025, **cov neeg zov me nyuam hauv tsev** tau [pib nkag mus siv Provider Hub los tswj lawv cov ntaub ntawv cuv npe rau Child Care Assistance Program](#). Cov neeg zov me nyuam hauv tsev yog pawg tom ntej uas yuav tau nkag mus siv Provider Hub rau kev tso cai. Koj yuav nkag mus siv tau Great Start Compensation thiab cuv npe thiab sau npe tau rau cov neeg tuaj koom tom qab tau kev tso cai pib siv Provider Hub.

Mus kawm kom paub ntxiv ntawm [Provider Hub](#) qhov webpage.

[Rov mus rau saum toj](#)

Thaum Twg Koj Yuav Tsum Siv Provider Hub Rau Kev Tso Cai

Raws li kev tawm tswv yim los ntawm cov chaw zov me nyuam — thiab kev nkag siab txog kev ntxhov siab thiab kev nyuaj siab uas muaj nrog cov kev hloov lub sijhawm siv tau qhov cuab yeej — peb tseem tsis tau tshaj tawm lub sijhawm tshiab rau qhov kev pib siv no. Peb ua tsaug rau koj txoj kev to taub thiab lub siab ntev. Nram qab no yog cov ntaub ntawv teev txog lub sijhawm uas peb muaj tam sim no:

- Cov neeg zov me nyuam hauv tsev nyob hauv thawj pawg cheeb tsam (Becker, Cass, Crow Wing, Douglas, Hubbard, Morrison, Stevens, Todd, thiab Wadena) yuav tau txais kev ceeb toom txog hnub pib siv yam **tsawg kawg 60 hnub ua ntej**.


- Peb yuav siv **ib hlis** los tsom rau kev pib siv qhov cuab yeej online no rau thawj pawg cheeb tsam.
- Tom qab lub hlis ntawd, Provider Hub yuav pib siv zuj zus rau lwm cheeb tsam, **pib rau ib [cheeb tsam](#) tshiab ib zaug ob lub as thiv twg** raws li kev npaj qhia nram qab no.
- Cov chaw zov me nyuam yeej yuav txais **kev ceeb toom ua ntej kom txaus** qhia tias lawv yuav tau siv Provider Hub rau kev tso cai.

[Rov mus rau saum toj](#)

Kev Pib Siv Rau Txhua Cheeb Tsam — Cov Ntaub Ntawv Tshiab!

Kev tso cai rau cov chaw zov me nyuam hauv tsev hauv Provider Hub yuav **pib siv zuj zus thoob lub xeev Minnesota** raws li kev npaj [rau cov cheeb tsam](#) nram qab no:

- **Kev pib siv thawj zaug:** Becker, Cass, Crow Wing, Douglas, Hubbard, Morrison, Stevens, Todd thiab Wadena (Cov cheeb tsam no koom tes nrog [Sourcewell](#) los muab kev pab rau kev tso cai rau cov chaw zov me nyuam hauv tsev.)
- **Cheeb Tsam 4, West Central counties:** Clay, Grant, Otter Tail, Pope, Traverse thiab Wilkin
- **Cheeb Tsam 8, Southwest counties:** Cottonwood, Jackson, Lincoln, Lyon, Murray, Nobles, Pipestone, Redwood thiab Rock
- **Cheeb Tsam 2, Headwaters counties:** Beltrami, Clearwater, Lake of the Woods thiab Mahnomen
- **Cheeb Tsam 7E, East Central counties:** Chisago, Isanti, Kanabec, Mille Lacs thiab Pine
- **Cheeb Tsam 6E, Southwest Central counties:** Kthiabiyo, McLeod, Meeker thiab Renville
- **Cheeb Tsam 1, Northwest counties:** Kittson, Marshall, Norman, Pennington, Polk, Red Lake, thiab Roseau



- **Cheeb Tsam 9, South Central counties:** Blue Earth, Brown, Faribault, Le Sueur, Martin, Nicollet, Sibley, Waseca thiab Watonwan
- **Cheeb Tsam 7W, Central counties:** Benton, Sherburne, Stearns thiab Wright
- **Cheeb Tsam 3, Arrowhead counties:** Aitkin, Carlton, Cook, Itasca, Koochiching, Lake thiab St. Louis
- **Cheeb Tsam 6W, Upper Minnesota Valley counties:** Big Stone, Chippewa, Lac qui Parle, Swift thiab Yellow Medicine
- **Cheeb Tsam 10, Southeast counties:** Dodge, Fillmore, Freeborn, Goodhue, Houston, Mower, Olmsted, Rice, Steele, Wabasha thiab Winona
- **Cheeb Tsam 11, Twin Cities counties:** Anoka, Carver, Dakota, Hennepin, Ramsey, Scott thiab Washington

[Rov mus rau saum toi](#)

Kev Sib Tham Thiab Kev Cob Qhia Uas Tuaj Sib Ntsib Tim Ntsej Tim Muag

Ntxiv rau cov ntaub ntawv online, peb yuav muaj kev sib tham thiab kev cob qhia uas yuav muaj nyob tim ntsej tim muag rau txhua cheeb tsam nyob rau lub sij hawm uas koj qhov cheeb tsam yuav pib siv.

Cov kev sib tham no nyob ntawm tus twg yeem tuaj koom xwb, koj xav tuaj koom thiab tsis xav los kuj tau. Txhua kev sib tham yuav siv sij hawm kwv yees li 2 mus rau 3 xoj moos. Koj tuaj yeem tuaj koom kom puv sij hawm los yog tuaj koom ib feem ntawm qhov kev sib tham xwb los tau.

Hauv cov kev sib tham no, koj yuav:

- Kawm ntxiv txog kev siv Provider Hub los tswj koj daim ntawv tso cai
- Kawm txog kev tau kev pab ntxiv tom qab kev sib tham tag
- Muaj sij hawm qhia kev tawm tswv yim txog qhov cuab yeej online rau pab pawg Provider Hub

Cov kev sib tham no tseem tab tom npaj. Peb yuav txuas ntxiv qhia txog cov ncauj lus thaum cov kev npaj tiav tag.

[Rov mus rau saum toi](#)

Lwm Txoj Kev Los Paub Ntxiv Thiab Npaj Kom Zoo

Peb yuav xa email twb ywm txog kev hloov tshiab zoo li no ncaj qha rau cov neeg zov me nyuam hauv tsev. Nov yog lwm txoj kev uas koj yuav tau txais cov ntaub ntawv thiab npaj kom siv tau qhov cuab yeej online:

- **Mus koom kev sib tham txog Provider Hub:** Cov kev sib tham hauv online no qhib rau txhua tus uas xav kawm ntxiv txog Provider Hub, nrog rau cov neeg siv tam sim no thiab yav tom ntej. Cov ncauj lus yuav suav nrog kev txhim kho tshiab hauv Provider Hub, cov lus qhia pab siv qhov cuab yeej online kom zoo dua, thiab cov ntaub ntawv tshiab los sis hloov tshiab. Peb txais tos kom cov neeg tuaj koom nug lus rau lub sij hawm sib tham. [Thov cuv npe los koom nrog kev sib tham tom ntej](#) — Hnub Tuesday, Hnub Tim 18 Lub Kaum Ib Hlis, thaum 6 moos tsaus ntuj txog 7 moos tsaus ntuj.
- **Cuv npe rau tsab ntawv xov xwm Provider Hub:** Tsab ntawv xov xwm no qhia cov ntaub ntawv dav txog Provider Hub rau cov neeg siv tam sim no thiab cov yuav siv rau yav tom ntej. Cov ncauj lus yuav suav nrog kev hloov tshiab ntawm cov hauj lwm ua tau tshiab thiab kev txhim kho, cov ntaub ntawv pab, thiab cov kev sib tham uas yuav los tom ntej no. [Cuv npe kom tau txais tsab ntawv xov xwm ncaj qha rau koj tus email](#).
- **Mus saib Provider Hub qhov webpage:** Paub txog yam uas muaj nyob tam sim no hauv qhov cuab yeej online, saib cov ntaub ntawv pab, nyeem cov email xa yav dhau los, thiab cuv npe rau kev sib tham txog [Provider Hub](#).
- **Txhim kho koj txoj kev paub siv technology kom yooj yim dua:** Ua qhov kev ntsuam xyuas txog koj cov txuj ci siv technology; nyeem phau ntawv qhia txog cov txuj ci technology uas xav tau los siv Provider Hub; thiab saib cov kev pab los kawm txog technology — [txhua yam no muaj nyob hauv cov ntaub ntawv hu ua technology resources](#). Txhua qhov kev pab muaj ua lus As kiv, Hmoob, Somali thiab Mev.
- **Hu rau Provider Hub tus xov tooj:** Hu rau 612-504-1298 (hu dawb) kom kawm txog qhov cuab yeej online. Cov ntaub ntawv tam sim no suav nrog yam uas cov neeg zov me nyuam hauv tsev yuav xav paub txog kev tswj lawv daim ntawv tso cai hauv qhov cuab yeej online, cov sij hawm tshiab, thiab cov ntaub ntawv technology. Tus xov tooj no tsuas muaj cov suab lus kaw xwb;

nws yuav tsis txuas koj rau cov neeg ua hauj lwm. Qhov no yog ib qho kev pab zoo rau cov neeg nyiam mloog dua li nyeem ntaub ntawv.

[Rov mus rau saum toj](#)

Cov Txiaj Ntsig Ntawm Provider Hub

Peb zoo siab uas yuav muab cov txiaj ntsig no los rau hauv Provider Hub:

- **Kev nkag mus yooj yim dua:** Koj tuaj yeem saib thiab tswj tau koj daim ntawv tso cai thiab cov ntaub ntawv ntawm koj qhov program nyob rau tib qhov chaw xwb. Koj yuav nkag mus saib koj cov ntaub ntawv tau rau txhua lub sij hawm, los ntawm txhua yam cuab yeej uas muaj kev txuas internet — suav nrog smartphone thiab tablet!
- **Kev ceev cia cov ntaub ntawv digital:** Koj cov ntaub ntawv raug khaws cia hauv qhov cuab yeej online, yog li koj tsuas yuav muab kho dua thaum muaj kev hloov pauv tshiab xwb — tsis tas yuav tos muab kho dua thaum tauj ntawv txhua xyoo.
- **Kev pab ntxiv:** Koj yuav tau txais kev pab siv Provider Hub los ntawm pab pawg pab cuam hauv zos, uas muaj kev pab nyob online thiab hauv xov tooj. Pab pawg no muab kev pab txog kev siv technology thiab teb tau cov lus nug txog txoj kev ua hauj lwm hauv Provider Hub. Tsis tas li ntawd, koj tseem yuav tau txais kev pab ntxiv los ntawm koj tus neeg muab daim ntawv tso cai thiab cov neeg ua hauj lwm hauv koj qhov program — lawv yuav pom tau koj cov ntaub ntawv uas koj sau rau hauv Provider Hub.
- **Muaj ntau hom lus siv tau:** Koj tuaj yeem xaiv siv qhov cuab yeej no ua lus As kiv, Mev, Somali los sis Hmoob.

[Rov mus rau saum toj](#)

Tiv Tauj Peb

Yog koj muaj kev tawm tswv yim los sis lus nug, thov xa email rau pab pawg Provider Hub ntawm providerhub@state.mn.us.

**Ua tsaug rau koj txoj hauj lwm uas koj tau saib xyuas cov me nyuam thiab
lawv cov tsev neeg thoob plaws lub xeev Minnesota!**

Kev Hloov Tshiab Nyob Rau Lub Caij Nplooj Zeeg Xyoo 2025 Hais Txog Kev Pib Siv Provider Hub Rau Cov Chaw Zov Me Nyuam Hauv Tsev

6

Updated 11/10/2025. Cov ntsiab lus hauv qhov kev nthuav qhia no muaj raws li hnub uas tau qhia. State of Minnesota muaj cai sau tshiab los sis hloov kho raws li qhov tsim nyog. ©2025 State of Minnesota. All Rights Reserved.